

כאחד מהם¹² ואל תרא ביום אחיך ביום
נכרו ואל תשמח לבני יהודה ביום אבדם
ואל תגדל פיך ביום צרה¹³ אל תבוא
בשער עמי ביום אידם אל תרא גם אתה
ברעתו ביום אידו ואל תשלחנה בחילו
ביום אידו¹⁴ ואל תעמד על הפרק
להכרית את פליטיו ואל תסגר שרידיו
ביום צרה¹⁵ כי קרוב יום יהוה על כל
הגוים כאשר עשית יעשה לך גמלך ישוב
בראשך¹⁶ כי כאשר שתיתם על הר
קדשי ישתו כל הגוים תמיד ושתו ולעו
והיו כלוא היו¹⁷ ובהר ציון תהיה פליטה
והיה קדש וירשו בית יעקב את
מורשיהם^U¹⁸ והיה בית יעקב אש ובית
יוסף להבה ובית עשו לקש ודלקו בהם
ואכלום ולא יהיה^c שריד לבית עשו כי
יהוה דבר¹⁹ וירשו הנגב את הר עשו
והשפלה את פלשתים וירשו את שדה
אפרים ואת שדה שמרון ובנימן את
הגלעד²⁰ וגלת החל הזה לבני ישראל
אשר כנענים עד צרפת וגלת ירושלם
אשר בספרד ירשו את ערי הנגב²¹ ועלו
מושעים בהר ציון לשפט את הר עשו
והיתה ליהוה המלוכה

End of Obadiah

- U We agree with both BHS 1997 and BHQ on an unexpected reading.
C We read one or more accents in L differently from BHQ.
c We read one or more accents in L differently than BHS. Often this notation indicates a typographical error in BHS.

Obadiah

עבדיה

1 חזון עבדיה כה אמר אדני יהוה
לאדום שמועה שמענו מאת יהוה וציר
בגוים שלח קומו ונקומה עליה^{cQ}
למלחמה² הנה קטן נתתיך בגוים בזוי
אתה מאד³ זדון לבך השיאך שכני בחגוי
סלע מרום שבתו אמר בלבו מי יורדני
ארץ⁴ אם תגביה כנשר ואם בין כוכבים
שים קנך משם אורידך נאם יהוה⁵ אם
גנבים באו לך אם שודדי לילה איך
נדמיתה הלוא יגנבו דים אם בצרים באו
לך הלוא ישאירו עללות⁶ איך נחפשו
עשו נבעו מצפניו⁷ עד הגבול שלחוך כל
אנשי בריתך השיאוך יכלו לך אנשי
שלמד לחמד ישימו מזור תחתיך אין
תבונה בו⁸ הלוא ביום ההוא נאם יהוה
והאבדתי חכמים מאדום ותבונה מהר
עשו⁹ וחתו גבוריך תימן למען יכרת איש
מהר עשו מקטל¹⁰ מחמס אחיך יעקב
תכסך בושה ונכרת לעולם¹¹ ביום עמדך
מנגד ביום שבות זרים חילו ונכרים באו
שערו^{שערו} ועל ירושלם ידו גורל גם אתה

- Q Marks a place where we agree with BHQ against BHS in reading L.
c We read one or more accents in L differently than BHS. Often this notation indicates a typographical error in BHS.

The Westminster Leningrad Codex

Version 4.16

Obadiah

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex

<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24:07. Build number: 23.0. Converted to ODT by XML2ODT.xml dated 22 Dec 2010 on 2012.06.01-10.27. Build number: 23.0 . 3 pages. Layout: Full; Content: Consonants.

This document is in the public domain.